

ՈՒՍՈՒՑԻՉ

ԱՐՇԱԼՈՅՍ ՄԻՒԹԱՐԵԱՆԻ

...но одиночество, но невыносимое рабство
учительского звания, но болѣзнь неотступная...

ТУРГЕНЕВЪ. Томъ I.

I

Անցաւ կէսգիշեր. բակումն աքաղաղ
Այս երկրորդ տնգամ հաշուում է ժամեր.
Քնեցէք ամենքդ հանգիստ ու խաղաղ—
Ուսուցչին միայն չը կալ կէսգիշեր:
Դեռ որքան նորան դործ է ըսպասում.
Տետրակներն, որսկէս բըլուր բարձրացած՝
Անհամբեր իրանց հերթին են նստում—
Դէ, շո՛ւտ, մի՛ կանգնիր՝ մօտ է լուսաբաց:
Եւ գըրում է նա... Ո՛ւր է թէ մի տաք,
Գոնէ, սենեակում նըստած նա լինէր.
Նորա՝ գըրիչը շարժւում է արագ,
Բայց աւելի շուտ շարժւում են ոտներ...
Հանգչում է լապտեր. գուրսը կատաղած
Նորից նոր ուժով շընչում է քամին,
Եւ գեռ իւր գործի վերայ խոնարհած՝
Դողում է, օաւչում ուսուցչի մարմինն.
Ու թո՛ղ նա սառչի.—կալ մի վառ կըրակ,
Որ ուժ է տալիս նորան այս գիշեր,

Որ այրւում է միշտ նորա կըրծքի տակ՝
Ձեր սէրն է այն, խեղճ, թըշւառ մանուկներ...

II

«Ե՛հ, մընաք բարեաւ հիմա, իմ փոքրեր.
Ես տուն եմ գընում այս երկու ամիս,
Դուք չէք մոռանալ, գիտեմ, ձեր դասերն
Երբեմն յիշելու դաշտում խաղալիս:
Ես կը գնամ, կը գամ, մի լաք, իմ փոքրեր,
Կը տեսնենք իրար կալոցին շուտով.
Ծերուկ մայրս ինձ է նայում տնհամբեր.
Դէ, վերջին անգամ մընացէ՛ք բարով:»

Դանգաղ քայլերով՝ լերան կողերից
Առաջ է գընում ուսուցիչն անձայն,
Արտասուքն առատ վազում է աչքից
Եւ ծանրը հազը խեղդում է նորան:
Մաշւած, դալկացած նա յետ է դարձնում
Դէմքը դէպի գիւղ. բայց գիւղն ամպերով
Փաթաթւած արգէն այլ չի երևում.—
«Օ՛, գիւղ, մանուկներ, մընաք դուք բարով:»

Եկել է վաղուց ու անցել կալոց.
Ծընող, մանուկներ գալիս են գըպրոց,
Գալիս են, կանգնում դըրան առաջին
Ու լուռ և անձայն յետ դառնում կրկին.
Տըղայքն ամեն օր գընում են հեռու
Հեռու գիւղից դուրս, նայում են լալով.
«Չը կայ, քնչ եղաւ. արգեօք ո՛ւր ես դու,
«Անգի՛ն ուսուցիչ, դու էլ կաց բարով...»

III

Թափառիր... ու թող չը լինի անկիւն,
Ուր յոգնած մարմինդ հանգչէր մի վայրկեան.—

Եւ ո՞վ կը լիշէ թըշուառ մարդկութիւն՝
Գիւղերում կորած, ձըգւած անպաշտպան:

Տես, հեռու այնտեղ՝ սարի ծերպերում,
Կըպչում են ժալուխ մոռացւած որջեր,
Մարդիկ են այնտեղ գարերով ապրում,
Եւ այն՝ քո արիւն, քո հարազատներ:

Ապրում են... Ռանի անգամ սանձարձակ
Ես լաց եմ եղել այգ խըրճիթներում,
Ուր սև օրն անցնում է սև ծածկի տակ,
Ուր թանձր, անթափանց խաւար է տիրում:

Գնա՛, թափառի՛ր.— լուսոյ, գիտութեան
ձըրագ է այնտեղ հարկաւոր վառել,
Հարկաւոր է ձեռք մեկնել մարդկութեան,
Մութ խորխորատից ընկածին հանել:

Զօրացէ՛ք, ոտներ անզօր, երերուն,
Ո՛րժ առ, չարչարւած կուրծք ուսուցչական—
Կը գայ օր, կը գայ և ձեզ մի անկիւն
Կը բերէ, որ գուք հանգչէք յաւիտեան:

IV

Մութ անկիւնում հեծում է նա. հէգ թըշուառ,
Զուր ես լիշում ծնող ու տուն հայրական.
Ուշ է հիմա. չարչարելով քեզ համար
Վաղուց մըտան ծընողներդ գերեզման:
Եւ հայրենի թողած անտէր քո արնակ
Կանգնած է այժմ ծերուկ գըլուխն անպաշտպան,
Ու հեռու չէ, գուցէ, և այն ժամանակ,
Երբ նա նոյնպէս կը կործանւի յաւիտեան:

Հեծիր, հեծիր... Միթէ այսքան տալիներ
 Ձը հիւսեցէր դու մի տեղ բոյն սեպհական,
 Միթէ չ'եղաւ քեզ ցաւակից մի ընկեր,
 Միթէ անվերջ թափառել ես դու միայն:
 Ո՞ւր են նոքա, որոնց որդւոց, որպէս հայր,
 Նըւիրեցիր ամբողջ կեանքըդ մինչ այդ օր,
 Ձէ որ սրբել ես դու արցունք անհամար
 Ու ամոքել ցաւ ու վըշտեմ բիւրաւոր:

Հեծիր, հեծիր, լաց, արատաւէ— քո կըսկիծ
 Դու կը մեղմէ, միայն ըզգոյշ ու կամաց,
 Ոպա թէ ոչ քո կըտրատուած թոքերից
 Նորից կ'երթայ արեան աղբիւրն հեղեղած,
 Նորից կը գան ու կը թափւին բեկորներ,
 Կը կատաղի կըրծքիդ ցաւը սաստկագին,
 Եւ ո՞վ պիտի սըրբէ քո կուրծք ու շուրթեր,
 Ո՞վ կը մաքրէ արնաշաղախ անկողին...

Վ

Պըճնում է մայիս. պարտիզիս միջին
 Կանաչում են սէզ և թուփ և ծառեր,
 Եւ բաց է անում ծաղիկ-թագուհին
 Համեստութիւնից կարմըրած թերթեր:
 Եւ նըստած եմ ես ու անձայն դիտում
 Մարգարտեայ կաթիլն, որ թըփի վերան
 Նրբեմըն վառւում է, որպէս քըրքում
 Ու երբեմն, որպէս արցունք կուսական,
 Փայլում է պայծառ կախած տերևից.
 Եւ փայփայում է լըսելիքս հեռուից
 Անոյշ տաղերով մեղմաձայն առուն,
 Եւ յաւերժական օրհներգն ոգելից
 Ծառի ճիւղերում երգում է թըռչունն:
 Եւ ահա, ահա թաղւած ըզգացմունք

Տարիներ առաջ խաղաց հոգուս մէջ,
Ահա բացւեցան կարկամած շրթունք՝
Բորբոքած յուսոյ կրրակովն անշէջ...
Ու երգում էի ես երկար երկար՝
Մոռացած եւ՝ նենգ եւ՝ թոյն եւ՝ արիւն—
Ես երգում էի ապագայ աշխարհ,
Ուր ծաղկելու էր կեանքն, որպէս գարուն:

VI

Յիշում է մէկն ինձ. ականջիս միջին
Լըսում է մի սուր հընչիւն զանգակի.
Ո՞վ պիտի յիշէ աղքատ ուսուցչին՝
Հեռու մոռացւած կեանքից աշխարհի:
Վաղուց չէ հասնում խոր գերեզմանից
Ձայնը ծնողիս. չ'ունիմ ես քոյրեր,
Եղբայր, ազգական, իսկ կանանց սեռից
Ոչ ոք ժրպիտով չէ նայել ինձ դեռ:

Բայց հընչում է ձայնն ուժգին ու կրկին.
Ա՛խ, ասած, ասած. արդեօք ո՞վ ես գույ,
Որ այս լուռ, հանգչած գիշերւայ ժամին
Միտդ ես բերում ինձ. մօտիկ ես, հեռու,
Վաղուցւայ ծանօթ, ընկեր մանկութեան,
Ցաւակից օտար, անծանօթ, անտես,
Թէ այլ ուսուցիչ, անքուն ինձ նըման
Ու խեղճ, մոռացւած, կորած որպէս ես...

VII

Ահա տեսնում եմ կրկին այն տապան,
Առանց վիմաքար նա այժմ անպաշտպան
Ձրգւած է հեռու քարերի խմբից.
Հետք էլ չի մընայ շուտով նորանից:

Տարիներ առաջ սորանից՝ մի օր,
 Երբ միայն երկինքն էր մուլթ, սըգաւոր,
 Քանի մի հոգով յանձնեցինք հողին
 Մենք տարաբաղդիկ ուսուցչի մարմինն:

Ծանր էր, ծանր այն խաշն, որ երկար օրեր
 Կըրում էր նա իւր ուսին անվեհեր.—
 Թող միայն ապրէր, ծաղկէր գործն, որին
 Նա զոհ էր բերել մարմինն ու հոգին:

ՄՅԱ

Հընչում է զանգակն ու մանուկ ամբոխ
 Վազում է ուրախ ուրախ դասարան...
 Անցան տարիներ, բայց դեռ չեմ կարող
 Ես հանել սըրտիցս այդ զանգակի ձայնն:
 Ու Աստուած դիտէ, պիտի գա՞յ մի օր,
 Երբ ես հաւաքած ոյժ ու զօրութիւն
 Զըսպեմ սըրտիս մէջ ցաւեր բիւրաւոր
 Եւ, որպէս օտար, լըսեմ այդ հընչիւն:
 Սիրում եմ ես այն արգեօք թէ ատում—
 Զը գիտեմ.—միայն երբ առաւօտեան
 Աղջամուղջն է դեռ աշխարհը պատում,
 Ես դըպըոցի մօտ կանգնած եմ անձայն:
 Կանգնում եմ անշարժ, երկար, միայնակ,
 Զը կալ ոչ մի շունչ չորս կողմս այդ ժամին,
 Եւ գողգողում եմ ես իբր աւազակ
 Ու սիրտըս բաղխում, խըփում է՝ ուժգին:
 Անցնում են ժամեր. իրար յետեւից
 Մանուկ, ուսուցիչ գալիս են ահա,
 Ու ես իմ հեռու, անտես անկիւնից
 Համըր ողջուններ տալիս եմ նոցա:
 Հընչում են կըրկին զանգակն... Ու յանկարծ
 Խեղդում է կոկորդոս անձայն հեծեծանք,

Թափուում է արցունքս առատ հեղեղած,
 Վառելով հոգուս կրակի՞ծ ու տանջանք...
 Օ՛, անցածք, անցածք, երջանիկ օրեր,
 Երբ ամբողջ քրսան տարի շարունակ
 Ուղղում էի ես իմ ըշտապ քալեր
 Դէպի որոշած կեանքի նրպատակ:
 Չը կայ հիմա այն... Իբր անպէտք ապրանք
 Ինձ գուրս ձըդեցին պաշտածըս շէմքից.
 Գորան ինձ համար հանգիստ ու բերկրանք՝
 Ես դադարեցայ ապրել այն օրից:
 Ու այժմ ալւոր, ջախջախւած սըրտով
 Երանի եմ տալիս ամենին.
 Մահն էլ չի գալիս փըրկել ինձ շուտով—
 Միթէ ես էի Աստծոյ ատելին:

IX

Քեզ ողբամ ես, կոյս, որ սըրտիդ խորքում
 Թաղցընում ես սէրդ անթիւ չարերից,
 Որ չարչարում ես մուծ անկիւններում,
 Որ լաց ես լինում ծածուկ ամենից,
 Որ հագիւ երբեմն ահով երկիւղով
 Տալիս ես համբոյր սիրած աչերիդ,
 Որ ոչ այժմ ունիս օրեր անվըրդով
 Եւ ոչ ապագայ մօտիկ, առաջիդ...

Ի՞նչ ողբամ ես, կոյս, որ թոյլ եւ անզօր՝
 Չեմ փըրկում ես քեզ այդ գառըն կեանքից,
 Թէպէտ պատառւում է սիրտս ամեն օր,
 Թէպէտ այրում են ինձ ցաւ ու կրակի՞ծ:
 Եւ ես քեզ նըման, որպէս մի յանցանք,
 Թաղում եմ իմ մէջ ըզգացմունք սըրտիս.
 Ես էլ ոչ հիմա ունիմ խաղաղ կեանք
 Եւ ոչ ապագայ մօտիկ, առաջիս...

X

Թող ինձ ճընշեն ցաւ ու հոգսեր. ամեն օր
 Ձը հեռանայ գէմքիցս ըստւեր տըրտմութեան,
 Ներկայ, անցեալ թող ինձ ցոյց տան ահաւոր
 Ապագայի գէմքը խոժոռ. ու գաժան,
 Խաչը կեանքի թող ուսերիս ծանրացած
 Ձը տայ հանգիստ վաստակաբեկ իմ մարմնին,
 Թող ես լինիմ բոլորից էլ հալածւած՝
 Ոտների տակ ձրգւած էակ մի չընչին:

Բայց կայ մի տեղ... Ես ամենայն առաւօտ
 Անց եմ կենում նըւիրական այգ շէմքից.
 Ոչ մի անարգ չի վըստահիլ իւր նենգ ոտ
 Դընել այնտեղ սըրբապըղծւած աշխարհից:
 Այնտեղ պատում են իմ շուրջըս մանուկներ,
 Ժըպիտ, ծիծաղ գուրգուրում են իմ հոգին,
 Անմեղութեամբ փայլատակում են աչեր
 Ու փափայում են ինձ երգեր քաղցրագին:

Ու չեն ճընշում այլ ինձ ցաւեր. և իսկոյն
 Հեռանում է գէմքիցս ըստւեր տըրտմութեան,
 Ներկայ, անցեալ ցոյց են տալիս ինձ փայլուն
 Ապագայի գէմքը պայծառ, աննըման.
 Խաչը կեանքի ուսիս վերայ թեթեւցած
 Թոյլ է տալիս հանգչել տանջւած իմ մարմնին.
 Ես ըզգում եմ, որ ամենից եմ սիրւած,
 Որ գերագոյն մի էակ եմ առանձին...

XI

Մի յուսահատուիր, գըժբաղգ ուսուցիչ,
 Երբ տանջում է սիրտդ, երբ ամենայն ինչ՝
 Կեանք, բաղդ կորած ես կարծում քեզ համար՝
 Մի յուսահատուիր, մի տըրտմիր, մի լար:

Թող կորչի այդ բաղդն, որի յետևից
 Լնկած է այսօր մարգոց բազմութիւն—
 Նորա պարգեւած ամեն մի տուրքից
 Կաթում է անմեղ արցունք ու արիւն:
 Թող այդ վայելեն ուրիշներ, որոնց
 Հըրճանք է տեսնել տանջանքը մարդոց,
 Որոնց համար կոծ, աղաղակ ու լաց՝
 Երգեր են, պտրեր ուրախ հարսանեաց:
 Դու այդ չես ուզում... Դու ուզում ես կեանք
 Ուրախ, երջանիկ, ուզում ես գու սէր,
 Որի խողաղիկ հովանոցի տակ
 Գըրկւած, փաթաթւած աշխարհը խմբւէր:

Բայց լիշէր.— դարեր առաջ մեզանից
 Քարոզում էր այդ մի Մեծ Ուսուցիչ,
 Որ հըրաժարւած կեանքից գըլխովին
 Ամեն ինչ զոհեց իւր գաղափարին.
 Որ անտուն, անտեղ, որ հալածական
 Անցաւ գիւղից գիւղ, քաղաք քաղաքից,
 Որ չ'ունէր հանգիստ և ոչ մի վայրկեան,
 Որ ուտում էր միշտ Աստծոյ սեղանից.
 Որ հեզ և անձայն հարւածների տակ
 Հալածողներին նայում էր սիրով,
 Որ դատապարտւած, որպէս աւազակ՝
 Աւանդեց հոգին ներիչ խօսքերով:
 Եւ տարածւեցաւ Նորա խօսքն աշխարհ...
 Ու լուսազարդւած ազգեր անհամար
 Վազեցին այն հողն, այն հետքը լիզել,
 Որոնց վերայ Նա սէր էր քարոզել...